

**Ա Ր Չ Ա Ն Ա Գ Ր ՈՒ Թ Յ ՈՒ Ն N 1/2**  
**«ՄՆԱՆԿՈՒԹՅԱՆ ԳՈՐԾԵՐՈՎ ԿԱՌԱՎԱՐԻՉՆԵՐԻ ԿՈԼԵԳԻԱ»**  
**ինքնակարգավորվող կազմակերպության դիտորդ խորհրդի և կարգապահական**  
**հանձնաժողովի 17.05.2011թ. ընդլայնված նիստի**

Մասնակցությամբ՝  
Կարգապահական հանձնաժողովի նախագահ՝  
Հանձնաժողովի անդամներ՝

Խաչատուր Ղահրամանյանի  
Գագիկ Բարխուդարյանի,  
Ադասի Արսենյանի, Արման  
Սարգսյանի, Սոֆյա Դավթյան

Դիտորդ խորհրդի նախագահ՝  
Խորհրդի անդամներ՝

Հրանտ Ղամբարյանի  
Լևոն Պետրոսյանի, Ռուբեն  
Խալաթյանի, Վահագն Ավագյանի

**Օրակարգում**

Սնանկության գործերով կառավարիչ Ռոբերտ Արամի Մարգարյանին կարգապահական պատասխանատվության ենթարկելու վերաբերյալ հարցի քննարկումը:

Նիստին չէին ներկայացել դիմումատու՝ Արմեն Սկրտչյանը և «Արմաս» ՍՊԸ-ի սնանկության գործով կառավարիչ Ռոբերտ Մարգարյանը, սակայն վերջինս 13.05.2011թ. «ՍԳԿԿ» ԻԿԿ գրասենյակ էր ներկայացրել պատասխան՝ Արմեն Սկրտչյանի ներկայացրած դիմումի կապակցությամբ, ինչպես նաև ներկայացրել էր որոշ ապացույցներ:

Կարգապահական հանձնաժողովի անդամները որոշեցին 17.05.2011թ. նշանակված նիստը անցկացնել դիմումատու՝ Արմեն Սկրտչյանի և «Արմաս» ՍՊԸ-ի սնանկության գործով կառավարիչ Ռոբերտ Մարգարյանի բացակայությամբ:

Կարգապահական հանձնաժողովի նախագահ Խ.Ղահրամանյանը հրապարակեց «Արմաս» ՍՊԸ-ի սնանկության գործով կառավարչի ներկայացրած պատասխանն և հանձնաժողովի անդամների հետազոտմանը ներկայացրեց կառավարչի կողմից ներկայացրած փաստաթղթերը:

**Գնահատելով գործում առկա ապացույցները կարգապահական հանձնաժողովը հաստատված է համարել հետևյալ փաստերը.**

1. «Արման» ՍՊԸ-ի սնանկության վարույթի շրջանակներում Դիմումատու Արմեն Սկրտչյանը հանդիսանում է «Արման» ՍՊԸ-ի հիմնադիր և տնօրեն,
2. «Արման» ՍՊԸ-ի սնանկության վարույթի շրջանակներում Դիմումատու Արմեն Սկրտչյանը հանդիսանում է երրորդ անձ գրավատու «Հայպեռլիտ» ՍՊԸ տնօրեն,
3. «Արման» ՍՊԸ-ի և գրավով ապահովված պարտատեր «Կոնվերս բանկ» ՓԲԸ-ի միջև կնքված վարկային պայմանագրի շրջանակներում դիմումատու Արմեն Սկրտչյանը հանդիսանում է «Կոնվերս բանկ» ՓԲԸ նկատմամբ երաշխավոր,
4. «Արման» ՍՊԸ-ի սնանկության վարույթ շրջանակներում, «Արման» ՍՊԸ նկատմամբ, որպես ֆիզիկական անձ Արմեն Սկրտչյանը ներկայացրել է պահանջ՝ 24.600.000 ՀՀ դրամ գումարի չափով պարտատեր գրանցվելու վերաբերյալ հիմքում դնելով «Արման» ՍՊԸ-ի և իր միջև կնքված /անհատույց/ պահանջի իրավունքը զիջելու մասին պայմանագիրը:

5. Նշված պահանջի իրավունքը զիջելու մասին պայմանագիրը կառավարչի հայցապահանջի հիման վրա դատարանի կողմից ճանաչվել է անվավեր և Դիմումատու Արմեն Սկրտչյանի պահանջը չի ընդգրկվել «Արմաս» ՍՊԸ-ի պարտատերերի ցուցակում:

**Կարգապահական հանձնաժողովի իրավական հիմնավորումները.**

Համաձայն «Սնանկության մասին» 48-րդ հոդվածի 1-ին կետի պարտապանի ղեկավար մարմինները պարտավոր են կառավարչին տրամադրել պարտապանի գործունեության և միջոցների վերաբերյալ բոլոր անհրաժեշտ փաստաթղթերը և հավաստի տեղեկություններ, այդ թվում պարտապանին սնանկ ճանաչելուն նախորդած երեք տարվա ընթացքում պարտապանի գույքի օտարման կամ ակտիվների այլ ձևով նվազեցման մասին:

Կարգապահական հանձնաժողովը արձանագրում է, որ Արմեն Սկրտչյանը, որպես պարտապան ընկերության տնօրեն չի կատարել «Սնանկության մասին» ՀՀ օրենքի 48-րդ հոդվածով սահմանված պարտավորությունները, այն է չի հայտնել հավաստի տեղեկություններ և չի տրամադրել ընկերության հիմնադիր, հաշվապահական և այլ փաստաթղթերը, ինչի արդյունքում «Արմաս» ՍՊԸ-ի սնանկության գործով կառավարիչը ստիպված է եղել գործել վարույթում առկա բազմաթիվ խորընդոտների պայմաններում:

Արմեն Սկրտչյանը, միաժամանակ հանդիսանալով «Հայպեոլիտ» ՍՊԸ տնօրենը, գույքագրման ժամանակ կառավարչին թեպետ ցույց է տվել որոշակի գույք, սակայն չի ներկայացրել գույքի վերաբերյալ փաստաթղթերը, չի բացել ավտոմեքենայի դուռը, որի արդյունքում հնարավոր կլիներ գույքագրման մասնակիցների կողմից գույքագրվող գույքը նույնականացնել:

Հանձնաժողովի անդամների կողմից նշվեց այն փաստը, որ դեռ 03.05.2011թ. կարգապահական հանձնաժողովի նիստի ժամանակ Արմեն Սկրտչյանին ուղղված այն հարցին, թե ինչու վերջինս որպես պարտապան «Արմաս» ՍՊԸ-ի տնօրեն չի կատարել իր պարտականությունը, այն է կառավարչին չի հանձնել ընկերության փաստաթղթերը և որպես «Հայպեոլիտ» ՍՊԸ-ի տնօրեն ինչու չի ապահովել գույքագրման ժամանակ գույքերի պատշաճ հանձնումը, վերջինս պատասխանել է, որ որ մոտակա երկու օրվա ընթացքում նա կարող է ապահովել դա:

Դիտորդ խորհրդի անդամներ Ա.Չիտչյանը և Լ.Պետրոսյանը 03.05.2011թ. նիստին նշել էին որ դիմումատու՝ Արմեն Սկրտչյանը ոչ թե մոտակա երկու օրվա ընթացքում պետք է ապահովի գույքագրման պատշաճ կատարումը, այլ կառավարչի առաջին իսկ նշանակված գույքագրման ժամանակ, որը Արմեն Սկրտչյանի կողմից չի կատարվել:

Նշվածից հետո Արմեն Սկրտչյանը հայտնել էր, որ կատարված հարցադրումները չեն վերաբերվում բուն դիմումին:

Հանձնաժողովի անդամները արձանագրում են այն փաստը, որ քննվող դիմումի շրջանակներում պետք է դիտարկվի սնանկության վարույթի ընթացքում կառավարչի գործողությունները, ուստի դիմումատու՝ Արմեն Սկրտչյանի առարկություններն այդ կապակցությամբ անհիմն են:

Հանձնաժողովի անդամները արձանագրում են նաև այն փաստը, որ դիմումատուն լինելով նույն պարտապան ընկերության հիմնադիր և տնօրեն, երրորդ անձ գրավատու «Հայպեոլիտ» ՍՊԸ տնօրեն երբևիցե չի վիճարկել կառավարչի գործողությունները դատարանում և նշվածի մասին տեղեկություններ դիմողը կարգապահական հանձնաժողով չի ներկայացրել:

Հանձնաժողովի անդամները արձանագրում են նաև այն փաստը, որ կարգապահական վարույթի ընթացքում կողմերից յուրաքանչյուրը պետք է ապացուցի իր վկայակոչած փաստերը: Դիմումատու Ա. Սկրտչյանը կարգապահական հանձնաժողովին չի ներկայացրել որևէ հիմնավոր ապացույց այն մասին, որ «Արմաս» ՍՊԸ-ի սնանկության գործով կառավարիչ Ռոբերտ Մարգարյանը իրեն պատճառել է նյութական և բարոյական վնաս:

Որպես նշված հանգամանքի թույլատրելի և վերաբերելի ապացույց կարող էր հանդիսանալ դատական ակտը՝ «Արմաս» ՍՊԸ-ի սնանկության կառավարիչ Ռոբերտ Արամի Մարգարյանի կողմից դիմումատուին նյութական և բարոյական վնաս պատճառելու մասին:

Դիմումատուն հանձնաժողովին չի ներկայացրել մաս որևէ հիմնավոր ապացույց այն մասին, որ «Արմաս» ՍՊԸ-ի սնանկության կառավարիչ Ռոբերտ Մարգարյանը գործել է ի շահ իրեն, իսկ կարգապահական վարույթի ընթացքում կողմերից յուրաքանչյուրը պետք է ապացուցի իր վկայակոչած փաստերը:

Հանձնաժողովը արձանագրում է, որ «Արմաս» ՍՊԸ-ի սնանկության կառավարիչ Ռոբերտ Մարգարյանը, ընդհակառակը, չունենալով «Արմաս» ՍՊԸ-ին վերաբերող հաշվապահական և այլ փաստաթղթեր, իրեն ընձեռնված հնարավորությունների սահմաններում ձեռնարկել է իրենից կախված բոլոր հնարավոր միջոցները՝ դիմումատու Արմեն Սկրտչյանի՝ որպես պարտապանի ղեկավար և որպես երրորդ անձ գրավատու կազմակերպության ղեկավար/ ստեղծած խորընդոտները հաղթահարելու ուղղությամբ:

Կառավարիչը իր լիազորությունների շրջանակում, օրենքով սահմանված կարգով ձեռնարկել և ձեռնարկում է բոլոր հնարավոր միջոցները պարտապանի գույքը հայտնաբերելու, այն հետագայում վաճառելու և գոյացած միջոցների հաշվին պարտատերերի պահանջների բավարարելու համար:

Ինչ վերաբերվում է դիմումատու Արմեն Սկրտչյանի պահաջին, «ՍԳԿԿ» ԻԿԿ-ի միջոցով իրեն տրամադրելու «Արմաս» ՍՊԸ-ի վարկային պայմանագրով գրավադրված գույքի գույքագրման ակտի՝ կառավարչի և բանկի կողմից կատարված գրառումներով օրինակը, ապա հանձնաժողովը, ինչպես մաս դիտորդ խորհուրդը այդպիսի իրավասություն չունեն: Դիմումատու Ա. Սկրտչյանը զրկված չէ սնանկության վրույթի շրջանակներում վարույթում առկա նյութերին ծանոթանալու, ինչպես մաս պատճեններ վերցնելու իրավունքից:

Համաձայն «ՍԳԿԿ» ԻԿԿ սնանկության գործով կառավարիչների մասնագիտական վարքագծի էթիկայի Կանոնների 1-ին կետի՝ Սնանկության գործով կառավարչի մասնագիտական գործունեությունը իրականացնելիս պարտավոր է ղեկավարվել ՀՀ օրենսդրությամբ, պահպանել Ինքնակարգավորվող կազմակերպության Կանոնադրությունը և ներքին կանոնակարգը, ինչպես նաև, կատարել Ինքնակարգավորվող կազմակերպության վարչական մարմինների որոշումները: Սնանկության գործով կառավարչի մասնագիտական գործունեություն հասկացողության տակ ենթադրվում է Ինքնակարգավորվող կազմակերպության գործունեությունը, որպես սնանկության գործով կառավարչի «Սնանկության մասին» ՀՀ օրենքով նախատեսված և դրան համապատասխան, սնանկության ընթացակարգի իրականացումը:

Կանոնների 2-րդ կետի համաձայն՝ Կառավարիչը մասնագիտական գործունեությունը իրականացնում է հիմնվելով անկախության և անաչառության, բարեխղճության և խելամտության սկզբունքների վրա:

**Կարգապահական հանձնաժողովը միաձայն որոշեց**

«Արմաս» ՍՊԸ-ի սնանկության գործով կառավարիչ Ռոբերտ Մարգարյանը գործել է «Սնանկության մասին» ՀՀ օրենքի շրջանակներում՝ բարեխղճորեն կատարելով ստանձնած պարտավորությունները և «ՍԳԿԿ» ԻԿԿ կանոնադրության, ինչպես մաս մասնագիտական վարքագծի էթիկայի Կանոնների խախտում թույլ չի տվել:

Դիտորդ խորհրդի նախագահ

Հ. Ղամբարյան

Կարգապահական հանձնաժողովի  
Նախագահ

Խ.Ղահրամանյան